



SIARAN MEDIA

MPS LANCAR ‘KEMPEN HARGAI MAKANAN, ELAK PEMBAZIRAN!’

Berikutnya peningkatan peratusan sisa makanan ketika bulan Ramadan, Majlis Perbandaran Selayang (MPS) telah melancarkan ‘Kempen Hargai Makanan, Elak Pembaziran!’ sebagai langkah kesedaran kepada masyarakat agar dapat mengurangkan sisa makanan pada bulan Ramadan.

Kempen ini telah dilancarkan oleh YBhg. Dato’ Mohd Yazid bin Sairi, Yang Dipertua MPS di Bazar Ramadan Selayang Utama pada 4 April 2023. Pada pelancaran ini, Dato’ YDP telah menyerahkan kain rentang sebagai simbolik pelancaran kempen kepada pengelola Bazar Ramadan. Kain rentang kempen ini juga telah diserahkan dan akan dipasang di 28 lokasi Bazar Ramadan di bawah MPS.

Pada program ini juga, Dato’ YDP mengambil peluang untuk menyantuni para peniaga dengan mengedarkan sebanyak 60 beg kit berupa apron, topi dan risalah untuk digunakan semasa menjalankan perniagaan di Bazar Ramadan.

MPS berharap agar kempen ini dapat menjadikan masyarakat di bawah pentadbiran Selayang lebih prihatin terhadap isu kelestarian alam sekitar dan menghargai makanan serta tidak sewenangnya melakukan pembaziran terutama ketika di bulan Ramadan.

#TAMAT#

Dikeluarkan Oleh:

Bahagian Perhubungan Awam
Jabatan Korporat

b.p. **Yang Dipertua**
Majlis Perbandaran Selayang
5 April 2023